

今文尚書經說考

今文尙書敘錄

漢書藝文志尙書經二十九卷 大小夏侯二家 歐陽

經三十二卷

師古曰此二十九卷伏生傳授者

傳四十一篇

歐陽章

句三十一卷

大小夏侯章句各二十九卷

大小夏侯

解故二十九篇

歐陽說義二篇

劉向五行傳記十一

卷 許商五行傳記一篇

議奏四十二篇

宣帝時石渠論韋昭日閣

各也於此論書

劉向稽疑一篇

又曰易曰河出圖雒出書聖人則之故書之所起遠矣至

孔子纂焉上斷於堯下訖於秦凡百篇而為之序言其作

意秦燔書禁學濟南伏生猶壁藏之漢興亡失求得二十九篇以教齊魯之間訖孝宣世有歐陽大小夏侯氏立於學官古文尚書者出孔子壁中武帝末魯共王壞孔子宅欲以廣其宮而得古文尚書及禮記論語孝經凡數十篇皆古字也共王往入其宅聞鼓琴瑟鐘磬之音於是懼乃止不壞孔安國者孔子後也悉得其書以考二十九篇得多十六篇師古曰壁中書多以考見行世二十九篇之外更得十六篇安國獻之遭巫蠱事未列於學官劉向以中古文校歐陽大小夏侯三家經文酒誥脫簡一召誥脫簡二率簡二十五字者脫亦二十五字簡二十二二字者脫亦二十二字文字異者七百有

餘脫字數十書者古之號令號令於歛其言不立具則聽受施行者弗曉古文讀應爾雅故解古今語而可知也

伏生

史記儒林傳伏生

張晏曰伏生名勝伏氏碑云

濟南人也故為秦博士

孝文帝時欲求能治尙書者天下無有乃聞伏生能治欲召之是時伏生年九十餘老不能行於是乃詔太常使掌故朝錯往受之秦時焚書伏生壁藏之其後兵大起流亡漢定伏生求其書亡數十篇獨得二十九篇卽以教於齊魯之間學者由是頗能言尙書諸山東大師無不涉尙書以教矣伏生教濟南張生及歐陽生歐陽生教千乘兒寬

兒寬既通尙書以文學應郡舉詣博士受業孔安國張生亦爲博士而伏生孫以治尙書徵自此之後魯周霸孔安國雒陽賈嘉頗能言尙書事孔氏有古文尙書而安國以今文讀之因以起其家逸書得十餘篇蓋尙書滋多於是矣

案漢書儒林傳同顏師古注引衛宏定古文尙書序曰伏生老不能正言言不可曉也使其女傳言教錯齊人語多與穎川異錯所不知者凡十二三畧以其意屬讀而已師古注又云嘉者賈誼之孫也

伏生女

伏生孫

鼂錯

史記列傳鼂錯者潁川人也以文學爲太常掌故孝文帝時天下無治尙書者獨濟南伏生故秦博士治尙書年九十餘老不可徵乃詔太常使人往受之太常遣錯受尙書伏生所還因上便宜事以書稱說詔以爲太子舍人門大夫家令數上書孝文時言削諸侯事及法令可更定者書數十上孝文不聽然奇其材遷爲中大夫景帝卽位以錯爲內史遷御史大夫

案漢書鼂錯傳言錯由門大夫遷博士則錯爲學它時

當是以所受伏生尙書教授弟子員也

周霸

賈嘉

均見史記漢書儒林傳

歐陽生

漢書儒林傳歐陽生字和伯千乘人也事伏生授兒寬寬又受業孔安國至御史大夫寬有俊材初見武帝語經學上曰吾始以尙書為樸學弗好及聞寬說可觀迺從寬問一篇歐陽大小夏侯氏學皆出於寬寬授歐陽生子世世相傳至曾孫高子陽為博士師古曰名高字子陽高孫地餘長賓已太子中庶子授太子後為博士論石渠元帝卽位地餘侍

中貴幸至少府地餘少子政爲王莽講學大夫由是尙書  
世有歐陽氏學

歐陽生子

歐陽高

歐陽地餘

歐陽政

以上均見前

孔安國

兒寬

漢書列傳兒寬千乘人治尙書事歐陽生以郡國選詣博  
士受業孔安國貧無資用嘗爲弟子都養時行賃作帶經



而鋤休息輒讀誦其精如此以射策爲掌故功次補廷尉文學卒史會廷尉時有疑奏已再見郤矣廷尉張湯上寬所作奏卽時得可以寬爲奏讞椽以古法義決疑獄甚重之舉侍御史見上語經學上說之從問尙書一篇擢爲中大夫遷左內史及議欲放古巡狩封禪之儀拜寬爲御史大夫從東封泰山後太史令司馬遷等言麻紀壞廢漢興未改正朔宜可正上乃詔寬與遷等共定漢大初歷居位九歲以官卒

孔延年

見漢書  
孔光傳

司馬遷

案遷嘗從孔安國問尚書孔氏家世傳業安國延年皆以治尚書為武帝博士安國得壁中書後始治古文先實通今文尚書則遷之兼習古今文從可知矣

簡卿

見漢書藝文志及夏侯勝傳

林尊

漢書儒林傳林尊字長賓濟南人也事歐陽高為博士論石渠後至少府太子太傅授平陵平當梁陳翁生當至丞相翁生信都太傅家世傳業由是歐陽有平陳之學翁生授瑯琊殷崇楚國龔勝崇為博士勝右扶風而平當授九江朱普文公上黨鮑宣普為博士宣司隸校尉徒眾尤盛

知名者也

平當

漢書列傳平當字子思少為大行治禮丞功次補大鴻臚  
 文學察廉為順陽長梅邑令以明經為博士公卿薦當論  
 議通明給事中每有災異當輒附經術言得失文雅雖不  
 能及蕭望之匡衡然指意略同遷丞相司直繫遷長信少  
 府光祿勳左遷鉅鹿太守當以經明禹貢使行河師古曰  
尙書禹  
貢載禹治水次第山川高  
下當明此經故使行河也為騎都尉領河隄哀帝即位徵  
 當為光祿大夫諸吏散騎復為光祿勳御史大夫至丞相  
 以冬月賜爵關內侯子晏以明經歷位大司徒封防鄉侯

漢興唯韋平父子至宰相

平晏

朱普

均見前

鮑宣

漢書列傳鮑宣字子都渤海高城人也好學明經舉孝廉為郎哀帝初大司空何武薦宣為諫大夫常上書諫爭其言少文多實上以宣名儒優容之拜宣為司隸坐距閉使者下廷尉獄博士弟子濟南王咸舉幡太學下曰欲救鮑司隸者會此下諸生會者千餘人守闕上書上遂抵宣罪減死一等髡鉗平帝即位王莽秉政陰有篡國之心乃風

州郡以臯法案誅漢忠直臣不附已者宣及何武等皆死  
世祖卽位兩龔鮑宣子孫皆見褒表至大官

陳翁生

殷崇

均見前

龔勝

漢書列傳兩龔皆楚人也勝字君賓舍字君倩二人相友  
竝著各節故世謂之楚兩龔少皆好學明經勝爲都吏舍  
不仕大司空何武執金吾閭崇薦勝哀帝自爲定陶王固  
已聞其各徵爲諫大夫引見勝薦龔舍皆爲諫大夫勝數  
上書求見言百姓貧盜賊多吏不良風俗薄災異數見不

可不憂制度泰奢刑罰泰深賦歛泰重宜以儉約爲先遷  
丞相司直徙光祿大夫守右扶風王莽秉政勝乞骸骨歸  
老於鄉里王莽拜勝爲講學祭酒稱疾不應徵死時七十  
九矣

案勝舍同族相友本傳稱舍通五經以魯詩教授雖不  
言其與勝同受尙書然舍以勝薦曾復徵爲博士其於  
尙書當亦與勝同習歐陽之學也

張生

夏侯都尉

夏侯始昌

夏侯勝

夏侯建

漢書儒林傳夏侯勝其先夏侯都尉從濟南張生受尙書  
曰傳族子始昌始昌傳勝勝又事同郡間卿間卿者兒寬  
門人勝傳從兄子建建又事歐陽高勝至長信少府建太  
子太傅由是尙書有大小夏侯之學

漢書列傳夏侯始昌魯人也通五經以齊詩尙書教授自  
董仲舒韓嬰死後武帝得始昌甚重之始昌明於陰陽先  
言柏梁臺災日至期日果災時昌邑王以少子愛上爲選  
師始昌爲太傅年老以壽終族子勝亦以儒顯名

夏侯勝字長公東平人勝少孤好學從始昌受尚書及洪

範五行傳說災異後事問卿

師古曰姓商各卿而音姦

又從歐陽氏問

為學精熟所問非一師也善說禮服徵為博士光祿大夫

會昭帝崩昌邑王嗣立數出勝當乘輿前諫曰天久陰不

雨臣下有謀上者陛下出欲何之王怒謂勝為妖言縛以

屬吏吏白大將軍霍光光不舉法召問勝勝對言在洪範

傳曰皇之不極厥罰常陰時則下人有伐上者惡察察言

故云臣下有謀光大驚以此益重經術士後十餘日太后

廢昌邑王尊立宣帝光以為羣臣奏事東宮太后省政宜

知經術白令勝用尚書授太后遷長信少府賜爵關內侯



以與謀廢立定策安宗廟益千戶宣帝初即位欲褒先帝  
 詔羣臣大議廷中勝獨曰不宜為立廟樂於是丞相御史  
 大夫劾奏勝非議詔書勝及丞相長史黃霸俱下獄勝霸  
 既久繫霸欲從勝受經勝辭以罪死霸曰朝聞道夕死可  
 矣勝賢其言遂授之繫再更冬講論不怠至四年夏關東  
 四十九郡同日地動咸山崩壞城郭室屋因大赦勝出為  
 諫大夫給事中霸為揚州刺史勝復為長信少府遷太子  
 太傅受詔撰尚書論語說年九十卒官太后為勝素服五  
 日以報師傅之恩儒者以為榮勝從父子建字長卿師古曰言於  
 父昆弟之子自師事勝及歐陽高左右采獲勝及高兩處

父昆弟之子  
 名建字長卿

師古曰言於  
 勝及高兩處

未間疑義  
而得之

又從五經諸儒問與尚書相出入者牽引以次  
章句具文飾說勝非之曰建所謂章句小儒破碎大道建  
亦非勝為學疏畧難以應敵建卒自顯門名經為議郎博  
士至太子少傅勝子兼為左曹太中大夫孫善至長信少  
府司農鴻臚曾孫蕃郡守州牧長樂少府勝同產弟子賞  
為梁內史子定國為豫章太守而建子千秋亦為少府太  
子少傅

夏侯兼

夏侯堯

夏侯蕃

夏侯賞

夏侯定國

夏侯千秋

均見前

黃霸

漢書列傳黃霸字次公淮陽陽夏人也武帝末以待詔補侍郎謁者曰廉稱爲河南太守丞宣帝卽位聞霸持法平召以爲廷尉正守丞相長史坐公卿大議廷中知長信少府夏侯勝非議詔書霸阿從不舉劾皆下廷尉繫獄當死霸因從勝受尙書獄中再隲冬積三歲廼出勝出復爲諫大夫薦霸於上擢揚州刺史三歲爲潁川太守治爲天下

第一徵守京兆尹坐劾乏軍興連貶秩有詔歸潁川太守  
官前後八年郡中愈治天子以霸治行終長者下詔稱揚  
賜爵關內侯徵霸為太子太傅遷御史大夫五鳳五年代  
邴吉為丞相封建成侯

周堪

孔霸

漢書儒林傳周堪字少卿齊人也與孔霸俱事大夏侯勝  
霸為博士堪譯官令論於石渠經為最高後為太子少傅  
而孔霸召太中大夫授太子及元帝即位堪為光祿大夫  
與蕭望之竝領尚書事為石顯等所譖皆免官望之自殺

上愍之廼擢堪爲光祿勳堪授牟卿及長安許商長伯牟卿爲博士霸曰帝師賜爵號褒成君傳子光亦事牟卿至丞相由是大夏侯有孔許之學商善爲算著五行論歷四至九卿號其門人沛唐林子高爲德行平陵吳章偉君爲言語重泉王吉少音爲政事齊炁欽幼卿爲文學王莽時林吉爲九卿自表上師冢大夫博士郎吏爲許氏學者各從門人會車數百兩儒者榮之欽章皆爲博士徒衆尤盛

孔光

漢書列傳孔光字子夏孔子十四世之孫也孔子生伯魚鯉鯉生子思伋伋生子上昂昂生子家求求生子真箕箕

生子高穿穿生順順爲魏相順生鮒鮒爲陳涉博士鮒弟  
子襄爲孝惠博士長沙太傅襄生忠忠生武及安國武生  
延年延年生霸字次孺霸生光焉安國延年皆以治尙書  
爲武帝博士安國至臨淮太守霸亦治尙書事太傅夏侯  
勝昭帝末年爲博士宣帝時爲太中大夫以選授皇太子  
經遷詹事高密相元帝卽位徵霸以師賜爵關內侯食邑  
八百戶號褒成君如淳曰爲帝師教令成就故曰褒成君給事中上欲致霸  
相位霸讓位自陳至三上深知其至誠廼弗用以是敬之  
及霸薨上素服臨弔者再至賜東園秘器錢帛策贈以列  
侯禮謚曰烈君霸四子長子福嗣關內侯次子捷捷弟喜

皆列校尉諸曹光最少子也經學尤明年未二十舉爲議郎光祿勳轉爲僕射尙書令領尙書事凡典樞機十餘年守法度修故事上有所問據經法以心所安而對不希指苟合拜丞相博山侯光凡爲御史大夫丞相各再一爲大司徒太傅太師歷三世居公輔位前後十七年自爲尙書止不教授後爲卿時會門下諸生講問疑難舉大義云其弟子多成就爲博士大夫者年七十元始五年薨太后使九卿策贈以太師博山侯印綬賜乘輿秘器金錢雜帛少府供張諡曰簡烈侯子放嗣光兄子永爲大司馬封侯昆弟子至卿大夫四五人始光父霸上書求奉孔子祭祀元

帝下詔曰其令師褒成君關內侯霸以所食邑八百戶祀孔子焉故霸遣長子福名數於魯奉夫子祀霸薨子福嗣福薨子房嗣房薨子莽嗣元始元年封周公孔子後為列侯食邑各二千戶莽更封為褒成侯後避王莽更各均

孔福

孔捷

孔喜

孔放

孔永

孔房



孔均 均見前

案霸有四子傳言光經學尤明則其三兄亦通經可知也漢人最重家法大夏侯尚書有孔許之學則自放及承以下皆世傳尚書又可知也

李卿

許商

唐林

吳章

王吉

煇欽 均見前

張山拊

漢書儒林傳張山拊字長賓平陵人也事小夏侯建為博

士論石渠至少府授同縣李尋鄭寬中少君山陽張無故

子儒信都秦恭延君陳留假倉子驕無故善修章句為廣

陵太傅守小夏侯說文恭增師法至百萬言師古曰言小

之文不多而秦恭又更為城陽內史倉曰謁者論石渠至

膠東相尋善說災異為騎都尉寬中有儒才巨博士授太

子成帝即位賜爵關內侯食邑八百戶遷光祿大夫領尚

書事甚尊重會疾卒谷永上疏曰為宜加其葬禮賜之令

謚曰章尊師褒賢顯功之德上弔贈寬中甚厚由是小夏

侯有鄭章秦假李氏之學寬中授東郡趙立無故授沛唐  
尊恭授魯馮賓賓爲博士尊王莽太傅立哀帝御史大夫  
至大官知名者也

李尋

漢書列傳李尋字子長平陵人也治尙書與張孺鄭寬中  
同師寬中等守師法教授尋獨好洪範災異又學天文月  
令陰陽事丞相翟方進亦善爲星麻除尋爲吏數爲翟侯  
言事帝舅曲陽侯王根爲大司馬票騎將軍厚遇尋是時  
多災異根輔政數虛已問尋尋見漢家有中衰阨會之象  
其意以爲且有洪水爲災乃說根宜急博求幽隱拔擢天

士李奇曰天士知天道者也任以大職請徵韓放服虔曰姓各也曉水掾周敞王

望可與圖之根於是薦尊哀帝初卽位召尊待詔黃門使極言毋有所諱上雖不從尊言然采其語每有非常輒問尊尊對屢中遷黃門侍郎以尊言且有水災故拜尊爲騎都尉使護河隄哀帝初立司隸校尉解光亦以明經通災異得幸與尊白夏賀良等皆待詔黃門數召見陳說漢麻中甚當更受命宜急改元易號遂從賀良等議以建平二年爲太初元年號曰陳聖劉太平皇帝賀良等復欲妄變政事大臣爭曰爲不可許上遂下賀良等吏賀良等皆伏誅尊及解光滅死一等徙敦煌郡

鄭寬中

見漢書儒林傳

張孺

即張無故字孺者見前

秦恭

假倉

趙玄

唐尊

馮賓

以上均見漢書儒林傳中

漢書儒林傳贊曰自武帝立五經博士開弟子員設科射策勸以官祿訖於元始百有餘年傳業者幾盛支集漸滋一經說至百餘萬言大師數至千餘人蓋祿利之路然也

初書唯有歐陽至孝宣帝復立大小夏侯尚書至元帝世復立古文尚書所以罔羅遺失兼而存之是在其中矣

世祖光武

許子威

後漢書光武帝紀世祖之長安受尚書畧通大義

東觀記曰世祖受尚書於中大夫廬江許子威資用乏絕與同舍生韓子合錢令從者僦以給諸公費

顯宗孝明

後漢書帝紀顯宗事博士桓榮學通尚書

肅宗孝章

後漢書帝紀建初十一年詔下太常將大夫博士議郎郎官及諸生諸儒會白虎觀講議五經同異使五官中郎將魏應承制問侍中淳于恭奏帝親稱制臨決如孝宣甘露石渠故事作白虎議奏

今白虎通

案桓郁傳言永平十五年入授皇太子經數進忠言多見納錄是章帝於尚書習歐陽氏之學也

孝和

後漢書帝紀永元十三年春帝幸東觀覽書林閱篇籍博選藝術之士呂充其官

案桓郁傳和帝卽位富於春秋侍中竇憲欲令少主頗

涉經學上疏皇太后曰郁授先帝經行篤備宜令郁入  
教授由是郁復入侍講教授二帝恩寵甚篤是和帝於  
尙書亦習歐陽之學也

### 孝安

後漢書帝紀永初四年詔謁者劉珍及五經博士校定東  
觀五經諸子傳記百家藝術整齊脫誤是正文字

案桓焉傳言永初元年焉入授安帝是安帝於尙書習  
桓君大小章句也又本紀云元初六年春始立六宗祀  
於洛城西北續漢志亦云元初六年以尙書歐陽家說  
謂六宗者在天地四方之中爲上下四方之宗以元始



中故事謂六宗易六子之氣日月雷公風伯山澤者非也乃更六宗祠於戌亥之地禮比大社也是亦用歐陽尙書說定六宗之祀

### 孝順

後漢書帝紀陽嘉元年夏呂太學新成試明經下第者補弟子增甲乙員各十人除郡國耆儒九十人補郎舍人

案桓焉傳言永甯中順帝立爲皇太子呂焉爲太子少傅月餘遷太傅順帝卽位拜太傅復入授禁中是順帝於尙書亦習桓君大小章句也

### 孝桓

案楊秉傳言桓帝卽位秉以明尙書徵入勸講又黃瓊傳言和平中瓊以選入講禁中延熹二年以師傅之恩封爲邠鄉侯是桓帝於尙書習歐陽學可知也

孝靈

後漢書帝紀熹平四年春詔諸儒正五經文字刻石立於太學門外光和元年春始置鴻都門學生

案楊賜傳言建甯初靈帝當受學詔太傅三公選通尙書桓君章句宿有重名者三公舉賜乃侍講於華光殿中是靈帝於尙書通桓君章句也

後漢書儒林傳敘曰光武中興愛好經術未及下車而先

訪儒雅採求闕文補綴漏逸於是立五經博士各召家法

教授易有施孟梁丘京氏尚書歐陽大小夏侯詩齊魯韓

禮大小戴春秋嚴顏凡十四博士太常差次總領焉案今本詩

齊魯韓不有毛字攷傳中載前書魯齊韓三家皆立博士趙人毛萇傳詩是為毛詩未得立光武立五經博士易四

家尚書三家詩三家禮二家春秋二家凡十四博士如有毛詩博士則凡十五矣其數不合故知毛是衍字也今刪

去之中元元年初建三雍明帝即位親行其禮帝正坐自

講諸儒執經問難於前冠帶搢紳之人圍橋而觀聽者蓋

億萬計建初中大會諸儒於白虎觀考詳同異連月廼罷

肅宗親臨稱制如石渠故事顧命史臣著為通義又詔高

才生受古文尚書毛詩穀梁左氏春秋雖不立學官然皆

擢高第爲講郎給事近署所已網羅遺逸博存衆家孝和亦數幸東觀覽閱書林嘉平四年靈帝廼詔諸儒正定五經刊於石碑爲古文篆隸三體書法旨相參檢樹之學門使天下咸取則焉

### 歐陽歛

後漢書儒林傳歐陽歛字正思樂安千乘人也自歐陽生傳伏生尙書至歛八世皆爲博士歛旣傳業而恭謙好禮讓王莽時爲長社宰更始立爲原武令世祖平河北到原武見歛在縣修政遷河南都尉世祖卽位始爲河南尹封被陽侯建武五年坐事免官明年拜揚州牧遷汝南太守

推用賢俊政稱異迹歛在郡教授數百人視事九歲徵爲大司徒坐在汝南臧罪下獄諸生守闕爲歛求哀者千餘人平原禮震上書求代歛死書奏而歛已死獄中歛掾陳元上書追訟之言甚切至帝廼賜棺木贈卹綬購縑二千匹子復嗣後卒無子國除濟陰曹曾字伯山從歛受尙書門徒三千人位至諫議大夫子祉河南尹傳父業教授又陳畱陳弁字叔明亦受歐陽尙書於司徒丁鴻仕爲蘄長禮震

謝承書曰禮震字仲威光武嘉其仁義拜震郎中後以公事左遷淮陽王殿長

曹曾

曹祖

陳弇

以上均見  
儒林傳

司馬彪續漢書曰弇以尚書教授躬自耕種常有黃雀飛來隨弇翱翔

桓榮

後漢書列傳桓榮字春卿沛郡龍亢人也少學長安習歐陽尚書事博士九江朱普精力不倦十五年不窺家園普卒榮負土成墳因畱教授徒眾數百人莽敗天下亂榮抱其經書與弟子逃匿山谷雖常饑困而講論不輟後復客

授江淮間建武十九年年六十餘始辟大司徒府時顯宗始立爲皇太子選求明經廼擢榮弟子豫章何湯爲虎賁中郎將呂尙書授皇太子世祖從容問湯本師爲誰湯對曰事沛國桓榮帝卽命榮令說尙書甚善之拜爲議郎人使授太子每朝會輒令榮於公卿前敷奏經書帝稱善曰得生幾晚會歐陽博士缺帝欲用榮榮讓曰臣經術淺薄不如同門生郎中彭闕揚州從事臯宏帝曰俞往汝諸因拜榮爲博士引闕宏爲議郎車駕幸太學會諸博士論難於前榮被服儒衣温恭有蘊藉辨明經義每呂禮讓相厭不已辭長勝人儒者莫之及特加恩賞常令止宿太子宫

積五年榮薦門下生九江胡憲侍講乃聽得出旦一入而  
已二十八年拜博士張佚爲太子太傅而已榮爲少傅賜  
己輜車乘馬榮大會諸生陳其車馬印綬曰今日所蒙稽  
古之力也可不勉哉榮曰太子經學成畢上疏謝太子報  
書曰夫五經廣大聖言幽遠非天下之至精豈能與於此  
昔之先師謝弟子者有矣上則通達經旨分明章句下則  
去家慕鄉求謝師門今蒙下列不敢有辭願君慎疾加餐  
重愛玉體三十年拜爲太常顯宗卽位尊以師禮甚見親  
重拜二子爲郎榮年踰八十自以衰老數上書乞身輒加  
賞賜乘輿嘗幸太常府令榮坐東南設几杖會百官驃騎



將軍東平王蒼已下及榮門生數百人天子親自執業每言輒曰太師在是既罷悉以大官供具賜太常家其恩禮若此永平二年二雍初成拜榮爲五更每大射養老禮畢帝輒引榮及弟子升堂執經自爲下說迺封榮爲關內侯食邑五千戶榮卒帝親自變服臨喪送葬賜冢坐於首山之陽除兄子二人補四百石都講生八人補二百石其餘門徒多至公卿子郁嗣

桓雍

華嶠書曰榮長子雍早卒少子郁嗣

桓郁

後漢書列傳郁字仲恩少已父任爲郎敦厚篤學傳父業  
已尙書教授門徒常數百人榮卒郁當襲爵上書讓於兄  
子汎顯宗不許不得已受封悉以租入與之帝以郁先師  
子有禮讓甚見親厚常居中論經書問已政事稍遷侍中  
帝自制五家要說章句令郁校定於宣明殿永平十五年  
入授皇太子經遷越騎校尉郁數進忠言多見納錄肅宗  
建武二年遷屯騎校尉和帝卽位富於春秋侍中竇憲自  
以外戚之重欲令少主頗涉經學上疏皇太后曰昔五更  
桓榮親爲帝師子郁結髮敦尙繼傳父業故再已校尉入  
授先帝父子給事禁省更歷四世今白首好禮經行篤備

宜令郁入教授由是遷長樂少府復入侍講頃之轉爲侍  
中奉車都尉永元四年代丁鴻爲太常明年病卒郁教授  
二帝恩寵甚篤門人楊震朱寵皆至三公初榮受朱普學  
章句四十萬言及榮入授顯宗減爲二十三萬言郁復刪  
省定成十二萬言由是有桓君大小太常章句子普嗣傳  
爵至曾孫郁中子焉能世傳其家學孫鸞曾孫彬竝知名

桓汎

桓普

桓延

桓焉

桓俊

桓鄩

桓良

華嶠書曰郁六子普延焉俊鄩良普嗣侯傳國至曾孫絕  
鄩良子孫皆博學有才能

後漢書列傳焉字叔元以父任爲郎明經篤行有名稱永  
初元年入授安帝三遷爲侍中步兵校尉永甯中順帝立  
爲皇太子曰焉爲太子少傅月餘遷太傅曰母憂自乞踰  
年使者賜牛酒奪服卽拜光祿大夫遷太常順帝卽位拜  
太傅錄尙書事復入授經禁中因讌見建言宜引三公尙

書入省事帝從之視事三年坐辟召禁錮者爲吏免復拜  
光祿大夫永和五年代王龔爲太尉漢安元年日食免  
明年卒於家弟子傳業者多百人黃瓊楊賜最爲顯貴焉  
孫典傳其家業

桓衡

桓順

桓典

華嶠書曰焉長子衡早卒中子順順子典

後漢書列傳典字公雅復傳其家業自尙書教授潁川門  
徒數百人舉孝廉爲郎辟司徒袁隗府舉高第拜侍御史

是時宦官秉權典執政無所回避常乘驄馬京師畏憚爲之語曰行行且止避驄馬御史及黃巾賊起滎陽典奉使督軍賊破還曰吾宦官賞不行在御史七年不調靈帝崩大將軍何進秉政典與同謀議三遷羽林中郎將獻帝卽位三公奏典忠義炳著詔拜家一人爲郎從西入關拜御史中丞賜爵關內侯遷光祿勳建安六年卒於官

相鸞

相暉

東觀記曰鸞父良龍舒侯相也鸞貞亮之性著乎幼冲學覽六經莫不貫綜推財孤寡分賄友朋泰於待賢狹於養

已常着大布襜袍糲食醋餐也

後漢書列傳鸞字始春焉弟子也少立操行襜袍糲食不求盈餘日世濁州郡多非其人恥不肯仕年四十餘時太守向苗有名迹迺舉鸞孝廉遷爲膠東令後爲己吾汲二縣令甚有名迹諸公竝薦復徵辟拜議郎上陳五事舉賢才審授用黜伎倖省苑囿息役賦書奏御牾內豎故不省以病免中平元年年七十卒於家子暕

暕字文林一名嚴

東觀記嚴作嚴

尤修志介賓客從者皆祇其志

行一餐不受於人仕爲郡功曹後舉孝廉有道方正茂才三公竝辟皆不應初平中天下亂避地會稽遂浮海客交

耻越人化其節至閭里不爭訟

桓麟

桓彬

華嶠書曰酆生麟

後漢書列傳彬字彥林焉之兄孫也父麟字元鳳早有才  
惠桓帝初爲議郎入侍講禁中曰直道倍左右出爲許令  
病免會母終麟不勝喪未祥而卒年四十一所著碑誄讚  
說書凡二十二篇彬少與蔡邕齊名初舉孝廉拜尙書郎  
彬厲志操與左丞劉歆右丞杜希同好交善所著七說及  
書凡三篇蔡邕等共論序其志僉曰爲彬有過人者四鳳



智早成岐疑也學優文麗至通也仕不苟祿絕高也辭隆從窳絜操也廼共樹碑而頌焉

案後漢書傳論言伏生自東西京相襲為名儒謂伏生以後至

伏湛也曰取爵位中興而桓氏尤盛自榮至典世宗其道

父子兄弟代作帝師受其業者皆至卿相顯乎當世足

見桓氏一門皆世傳家學習歐陽尚書桓君大小章句

之業也

彭閔

續漢書曰彭閔字作明

臯安

臯徽

謝承書曰臯宏字奉卿吳郡人也家代爲冠族少有英才與桓榮相善子徽至司徒長史

何湯

謝承書曰何湯字仲弓豫章南昌人也桓榮門徒常四百餘人湯爲高弟以才明知名榮甚重之後拜郎中建武十六年拜虎賁中郎將以明經當授太子推薦榮榮拜五更封關內侯榮嘗言曰此皆何仲弓之力也

胡憲

均見前

丁鴻

後漢書列傳丁鴻字孝公潁川定陵人也父緄字幼春世祖時封陵陽侯鴻年十三從桓榮受歐陽尚書三年而明章句善論難爲都講遂篤志精銳布衣荷擔不遠千里及緄卒鴻當襲封讓國於盛不報旣葬迺挂緘經於冢廬而逃去鴻初與九江人鮑駿同事桓榮甚相友善及鴻亡與駿遇於東海陽狂不識駿迺止而讓之鴻感泣迺還就國開門教授鮑駿亦上書言鴻經學至行顯宗甚賢之永平十年詔徵鴻至卽召見說文侯之命篇賜御衣及綬稟食公車與博士同禮頃之拜侍中兼射聲校尉建初四年徙封魯陽鄉侯肅宗詔鴻與廣平王羨及諸儒樓望成封

桓郁賈逵等論定五經同異於北宮白虎觀廣平王美明帝子也東觀

記曰與太常樓望少府成封屯騎校尉桓郁衛士賈逵等集議也白虎門各於門立觀因以名之焉使五官

中郎將魏應主承制問難侍中涓于恭上帝親稱制臨決

鴻已才高論難最明諸儒稱之帝數嗟美焉時人歎曰殿

中無雙丁孝公數受賞賜擢徙校書遂代成封為少府門

下由是益盛遠方至者數千人彭城劉愷北海巴茂九江

朱伉皆至公卿元和三年徙封馬亭鄉侯和帝即位遷太

常永元四年代袁安為司徒行太尉兼衛尉屯南北宮六

年鴻薨賜贈有加常禮子湛嗣湛卒子浮嗣浮卒子夏嗣

東觀記及續漢

書夏字作夔

華嶠書曰榮弟子丁鴻學最高

丁湛

丁浮

丁夏

鮑駿

劉愷

巴茂

朱俚前均見

楊寶

楊震

後漢書列傳楊震字伯起宏農華陰人也父寶習歐陽尙  
書哀平之世隱居教授居攝二年與兩龔蔣詡俱徵遂遁  
逃不知所處光武高其節建武中公車特徵老病不到卒  
於家震少好學受歐陽尙書於太常相郁明徵博覽無不  
窮究諸儒爲之語曰關西夫子楊伯起常客居於湖不蒼  
州郡禮命數十年眾人謂之晚暮而震志愈篤年五十乃  
始仕州郡大將軍鄧騭聞其賢而辟之舉茂才四遷荊州  
刺史東萊太守元初四年徵入爲太僕遷太常先是博士  
選舉多不己實震舉薦明經名士陳畱楊倫等顯傳學業  
諸儒稱之永甯元年代劉愷爲司徒震五子長子牧富波

相牧孫奇靈帝時爲侍中奇子亮追封爲陽成亭侯

楊波

楊奇

楊亮

楊秉

震中子秉字叔節少傳父業兼明京氏易博通書傳常隱居教授年四十餘乃應司空辟拜侍御史頻出爲豫荆徐兗四州刺史遷任城相呂廉潔稱桓帝卽位以明尙書徵入勸講拜太中大夫左中郎將遷侍中尙書呂病乞退出爲右扶風太尉黃瓊惜其去朝廷上秉勸講帷幄不宜外

遷畱拜光祿大夫遷太常延熹三年免官歸田里其年冬復徵拜河南尹五年冬代劉矩爲太尉每朝廷有得失輒盡忠規諫多見納用八年薨時年七十四賜坐陪陵子賜楊賜

賜字伯獻少傳家學篤志博聞嘗退居隱約教授門徒不荅州郡禮命後辟大將軍梁冀府非其好也出除陳倉令因病不行公車徵不至連辭三公之命後曰司空高第再遷侍中越騎校尉建甯初靈常當受學詔太傅三公選通尙書相君章句宿有重名者三公舉賜乃侍講於華光殿中遷少府光祿勳熹平二年代唐珍爲司空以災異免復



拜光祿大夫五年代袁隗爲司徒光和元年冬行辟雍禮  
引賜爲三老四年呂病罷居五年冬復拜太尉封臨晉侯  
邑千五百戶初賜與太尉劉寬司空張濟並入侍講自呂  
不宜獨受封賞願分戶邑於寬濟帝嘉歎復封寬及濟子  
拜賜尙書令數日出爲廷尉賜自呂代非法家遂固辭呂  
特進就第二年九月復代張溫爲司空其月薨天子素服  
三日不臨朝賜東園梓器繆服贈司空驃騎將軍印綬諡  
文烈侯子彪嗣

楊彪

楊修

彪字文先少傳家學初舉孝廉州舉茂才辟公府皆不應  
嘉平中召博習舊聞公車徵拜議郎遷侍中京兆尹光和  
中徵還爲侍中五官中郎將遷潁川南陽太守復拜侍中  
二遷永樂少府太僕衛尉中平六年冬代黃琬爲司徒明  
年關東兵起董卓懼欲遷都彪曰天下動之至易安之甚  
難惟明公慮焉卓使司隸校尉宣播召災異奏免琬彪等  
詣闕謝卽拜光祿大夫十餘日遷大鴻臚興平元年代朱  
雋爲大尉錄尙書事建安元年召疾罷時袁術僭亂操託  
彪與術婚姻奏收下獄將作大匠孔融往見操遂理出彪  
四年復拜太常十年免彪見漢祚將終遂稱脚攣不復行

子修字德祖好學有俊才爲丞相曹操主簿操忌修且以袁術之甥慮爲後患遂因事殺之及魏文帝受禪欲以彪爲太尉先遣吏示旨彪遂固辭年八十四黃初六年卒於家

黃瓊

黃琬

後漢書列傳黃瓊字世英江夏安陸人魏郡太守香之子也初以父任爲太子舍人辭病不就永建中公卿多薦瓊者卽拜議郎稍遷尙書僕射尙書令出爲魏郡太守和平中以選入講禁中元嘉元年遷司空延熹元年日食免

復爲大司農明年拜爲太尉呂師傅之恩而不阿梁氏乃封爲邠鄉侯邑千戶瓊辭及讓六七上言旨懇惻乃許之七年疾篤卒贈車騎將軍諡曰忠侯孫琬

琬字子琰少失父早而辯慧後瓊爲司徒琬以公孫拜童子郎託病不就知名京師稍遷五官中郎將光和末太尉楊賜薦琬有撥亂之才遷侍中中平初出爲右扶風徵拜將作大匠少府太僕又爲豫州牧政績爲天下表封關內侯徵爲司徒遷太尉更封陽泉鄉侯董卓議遷都長安琬與司徒楊彪同諫不從竟坐免卓猶敬其名德舊族不敢害後與楊彪同拜光祿大夫及徙西都轉司隸校尉與司

徒王允同謀誅卓及卓將李傕郭汜攻破長安遂收琬下  
獄死時年五十二

牟長

牟紆

後漢書儒林傳牟長字君高樂安臨濟人也長少習歐陽  
尚書不仕王莽世祖建武二年大司空宋宏特辟拜博士  
稍遷河內太守自爲博士及河內諸生講學者常有千餘  
人著錄前後萬人著尚書章句皆本之歐陽氏俗號爲牟  
氏章句子紆又曰隱居教授門生千人肅宗聞而徵之欲  
召爲博士道物故

宋登

後漢書儒林傳宋登字叔陽京兆長安人也父由爲太尉  
登少傳歐陽尙書教授數千人爲汝陰令政爲明能號稱  
神父遇趙相入爲尙書僕射順帝曰登明識禮樂使持節  
臨太學奏定典律轉拜侍中數上封事抑退權臣由是出  
爲潁川太守市無二價道不拾遺病免卒於家汝陰人配  
社祠之

尹敏

後漢書儒林傳尹敏字幼季南陽堵陽人也少爲諸生初  
習歐陽尙書後受古文兼善毛詩穀梁左氏春秋建武二

年上疏陳洪範消災之術時世祖方草創天下未遑其事  
命敏待詔公車拜郎中辟大司空府後三遷長陵令永平  
五年免官十一年除郎中遷諫議大夫卒於家

張馴

後漢書儒林傳張馴字子儁濟陰定陶人也少遊太學能  
誦春秋左氏傳曰大夏侯尚書教授辟公府舉高第拜議  
郎與蔡邕共奏定六經文字擢拜侍中典領秘書近署甚  
見納異多因便宜陳政得失朝廷嘉之遷丹陽太守化有  
惠政光利七年徵拜尚書遷大司農初平中卒於官

牟融

後漢書儒林傳中興北海牟融習大夏侯尚書

又本傳牟融字子優北海安丘人少博學以大夏侯尚書  
教授門徒數百人各稱州里以司徒茂才爲豐令視事三  
年縣無獄訟爲州郡最司徒范遷薦融忠正公方經行純  
備宜在本朝并上其理狀永平五年入代鮑昱爲司隸校  
尉多所舉正百僚敬憚之融經明才高善議論朝廷皆服  
其能十二年代伏恭爲司空肅宗卽位以融爲太尉建初  
四年薨

王良

後漢書儒林傳東海王良習小夏侯尚書



又本傳王良字仲子東海蘭陵人也少好學習小夏侯尚書教授諸生千餘人建武三年徵拜諫議大夫數有忠言以禮進止朝廷敬之遷沛郡太守徵拜大中大夫六年代宣秉爲大司徒司直後以病歸詔以元纁聘之遂不應光武詔復其子孫邑中徭役卒於家

### 吳良

後漢書列傳吳良字大儀齊國臨淄人也東平王蒼辟署爲西曹上疏薦良曰竊見臣府西曹掾齊國吳良資質敦固公方廉恪躬儉安貧白首一節又治尚書學通師法經任博士行中表儀宜備宿衛以補聖政顯宗以示公卿以

良爲議郎後遷司徒長史每處大議輒據經典不希旨偶  
俗以傲時譽後坐事免復拜議郎卒於官

東觀記曰吳良習大夏侯尙書

伏孺

伏理

伏湛

伏隆

伏瑗

伏翕

伏光

伏晨

伏無忌

伏質

伏完

後漢書列傳伏湛字惠公瑯琊東武人也九世祖勝字子賤所謂濟南伏生也高祖父孺武帝時客授東武因家焉父理爲當世名儒以詩授成帝爲高密太傅別自名學湛性孝友少傳父業教授數百人成帝時以父任爲博士弟子五遷至王莽時爲繡衣執法更始立以爲平原太守時倉卒兵起天下驚擾而湛獨晏然教授不廢郡內以安光

武卽位知湛名儒舊臣欲令幹任內職徵拜尙書使典定舊制建武三年遂代鄧禹爲大司徒封陽都侯徙封不其侯二子隆翁翁嗣爵卒子光嗣光卒子晨嗣晨謙敬博愛好學尤篤卒子無忌嗣亦傳家學博物多識順帝時爲侍中屯騎校尉永和元年詔無忌與議郎黃景校定中書五經諸子百家藝術卒子質嗣官至大司農卒子完嗣初自伏生以後世傳經學清靜無競故東州號爲伏不鬪云隆字伯文少以節操立名建武二年拜爲大中大夫持節使青徐二州招降郡國帝嘉其功比之酈生使於張步步欲留隆與共守二州隆不聽步遂殺之五年張步平詔隆中

弟咸收隆喪賜給棺斂太中大夫護送喪事詔告瑯琊作  
冢以子瑗爲郎中

朱寵

後漢書鄧隲傳曰朱寵字仲威京兆人也篤行好學從  
榮受尙書位至太尉

張禹

後漢書列傳張禹字伯達趙國襄國人也性篤厚節儉永  
平八年舉孝廉建初中拜揚州刺史永元六年入爲大司  
農拜太尉和帝甚禮之永初元年以定策功封安鄉侯七  
年卒於家

東觀記曰禹好學習歐陽尚書事太常桓榮

張充

張酺

後漢書列傳張酺字孟侯汝南細陽人也少從祖父充受  
尚書能傳其業又事太常桓榮勤力不怠聚徒以百數永  
平九年顯宗爲四姓小侯開學於南宮置五經師酺以尚  
書教授數講於御前以論難當意除爲郎賜車馬衣裳遂  
令人授皇太子酺爲人質直守經義每侍講間騰數有匡  
正之辭以嚴見憚及肅宗卽位擢爲侍中虎賁中郎將數  
月出爲東郡太守自酺出後帝每見諸王師傅嘗言張酺

前入侍講屢有諫正閭閻惻惻出於誠心可謂有史魚之風矣元和二年東巡狩幸東郡引醮及門生并郡縣掾吏會庭中帝先備弟子之儀使醮講尙書一篇然後修君臣之禮賞賜殊特莫不沾洽和帝初遷魏郡太守徵入爲河南尹永元五年遷醮爲太僕數月代尹睦爲太尉數上疏以疾乞身十五年代魯恭爲司空月餘薨乘輿縞素臨弔賜冢塋地賙贈恩寵異於他相子蕃以郎侍講曾孫濟好儒學光和中至司空病罷及卒靈帝以舊恩贈車騎將軍關內侯印綬其年追濟侍講有勞封子根爲蔡陽鄉侯濟弟喜初平中爲司空

東觀記曰充與光武同門學光武卽位求問充充已死

張蕃

張磐

張濟

華嶠書曰蕃生磐磐生濟濟字元江靈帝初楊賜薦濟明  
習典訓爲侍講

張喜

張根

鄧宏

鄧廣德



鄧甫德

後漢書列傳鄧訓子宏少治歐陽尚書授帝禁中諸儒多  
歸附之女弟貴人立是為和熹皇后宏為黃門侍郎安帝  
立遷虎賁中郎將永初元年封西平侯元初二年卒太后  
服齊衰帝絲麻封子廣德為西平侯後曰帝師之重分西  
平之都鄉封廣德弟甫德為都鄉侯建光元年太后崩宏  
廢為庶人順帝即位追感太后恩訓甫德更召徵為開封  
令學傳父業喪母遂不仕

劉寬

後漢書列傳劉寬字文饒宏農華陰人也桓帝時大將軍

辟五遷司徒長史再遷出爲東海相延熹八年徵拜尙書  
令遷南陽太守每行縣止息亭輒引學官祭酒及處士  
諸生執經對講人感德興行日有所化靈帝初徵拜太中  
大夫侍講華光殿嘉平五年代許訓爲太尉靈帝頗好學  
菽每引見常令講經以先策黃巾逆謀曰事上聞封遂鄉  
侯中平二年卒諡曰昭烈侯

謝承書曰寬少學歐陽尙書京氏易尤明韓詩外傳星官  
風隅算麻皆究極師法稱爲通儒未嘗與人爭勢利之事  
也

鮑永

後漢書列傳鮑永字君長上黨屯留人也少有志操習歐陽尚書事後母至孝舉秀才不應更始二年徵再遷尚書僕射行大將軍事特節將兵安集河東并州朔部光武卽位徵永詣行在自拜諫議大夫遭母憂去官悉以財產與孤弟子建武十一年徵爲司隸校尉拜兗州牧視事二年病卒子昱

鮑昱

鮑德

後漢書列傳昱字文泉少傳父學客授於東平後爲泚陽長政化仁愛境內清淨中元元年拜司隸校尉在職奉法

守正有父風後拜汝南太守十七年代王敏爲司徒建初  
四年代牟融爲太尉六年薨子德修志節有名稱累官爲  
南陽太守吏人愛悅號爲神父時郡學久廢德廼修起黌  
舍備俎豆黼冕行禮奏樂又尊饗國老宴會諸儒百姓觀  
者莫不悅服在職九年徵拜大司農卒於官

### 杜喬

後漢書列傳杜喬字叔榮河內林慮人也少爲諸生舉孝  
廉辟司徒楊震府稍遷爲南郡太守轉東海相入拜侍中  
累遷大鴻臚光祿勳建和元年代胡廣爲太尉在位數月  
以地震免宦者唐衡左悺等共譖於帝梁冀遂諷有司劾

喬及李固請逮案罪繫死獄中喬故掾陳留楊匡詣闕上書竝乞李杜二公骸骨成禮殯殮送喬喪還

續漢書曰喬少好學治韓詩京氏易歐陽尚書以孝稱雖二千石子常擔步求師

楊仲續

楊春卿

楊統

楊厚

陳壽益都耆德傳楊統字仲通曾祖父仲續舉河東方正拜祁令甚有德惠人爲立祠樂益都風俗因留家新都代

修儒學以夏侯尚書相傳

後漢書列傳楊厚字仲桓廣漢新都人也祖

識學臨命戒子統曰吾綈表中有先祖所傳秘記爲漢家

用爾其修之統感父遺言服闋辭家從犍爲周循學習先

法又就同郡鄭伯山受河洛書及天文推步之術建初中

爲彭城令一州大旱統推陰陽消伏縣界蒙澤自是朝廷

災異多以訪之位至光祿大夫爲國三老年九十卒厚少

學統業精力思述永初二年除爲中郎免歸復習業犍爲

永建二年順帝特徵因陳漢三百五十年之厄宜蠲法改

憲之道及消伏災異凡五事制書褒述拜議郎二遷爲侍

中特蒙引見訪以時政稱病求退歸家教授門生上名錄者三千餘人年八十二卒於家門人爲立廟祠之

賈逵

後漢書列傳賈逵字景伯扶風平陵人也弱冠能誦左氏傳及五經本文曰大夏侯尙書教授雖爲古學兼通五家穀梁之說自爲兒童常在太學不通人間事諸儒爲之語曰問事不休賈長頭永平中臨邑侯劉復薦逵博物多識帝廼召見拜爲郎與班固竝校秘書建初元年詔逵入講北宮白虎觀南宮雲臺逵數爲帝言古文尙書與經傳爾雅詁訓相應詔令撰歐陽大小夏侯尙書古文同異逵集

爲三卷帝善之復令撰齊魯韓詩與毛氏異同并作周官  
解詁遷逵爲衛士令八年乃詔諸儒各選高才生受左氏  
穀梁春秋古文尙書毛詩由是四經遂行於世永元三年  
以逵爲左中郎將八年復爲侍中領騎都尉內備帷幄兼  
領秘書近署甚見信用十三年卒年七十二朝廷愍惜除  
兩子爲太子舍人

宋京

宋意

後漢書列傳宋意字伯意南陽安衆人也父京以大夏侯  
尙書教授至遼東太守意少傳父業顯宗時舉孝廉以召



對合旨擢拜阿陽侯相建初中徵爲尙書遷司隸校尉  
何比干

何倣

後漢書何倣傳倣字文高扶風平陵人也其先家於汝陰  
六世祖比干學尙書於晁錯武帝時爲廷尉正與張湯同  
時湯持法深而比干務仁恕數與湯爭雖不能盡得然所  
濟活者以千數後遷丹陽都尉因徙居平陵倣通經傳以  
高第拜侍御史後拜爲尙書遷汝南太守

徐穉

徐肩

後漢書列傳徐穉字孺子豫章南昌人也恭儉義讓所居  
服其德屢辟公府不起延嘉二年尚書令陳蕃僕射胡廣  
等上疏薦穉桓帝乃以安車元纁備禮徵之不至靈帝初  
欲蒲輪聘穉會卒時年七十二子肩字季登篤行孝悌亦  
隱居不仕

謝承書曰穉少爲諸生學嚴氏春秋京氏易歐陽尚書兼  
綜風角星官算麻河圖七緯推步變易異行矯時俗閭里  
服其德化有失物者縣以相還道無拾遺四察孝廉五辟  
宰府三舉茂才肩少遭父母喪致哀毀瘁嘔血發病服闋  
隱居林藪躬耕稼穡劬則誦經貧窶困乏執志彌固不受

惠於人也

傳變

後漢書列傳傳變字南容北地靈州人也少師事太尉劉  
寬再舉孝廉爲護軍司馬與左中郎將皇甫嵩俱討賊張  
角變素疾中官既行因上疏書奏宦者趙忠見而忿惡及  
破張角變功多當封忠訴譖之以爲安定都尉以疾免後  
拜議郎出爲漢陽太守變善邨人叛羗懷其恩化竝來降  
附乃廣開屯田列置四十餘營中平四年金城賊王國韓  
遂等圍漢陽城中兵少糧盡變猶固守臨陣戰歿諡曰壯  
節侯

張奐

後漢書列傳張奐字然明敦煌酒泉人也少遊三輔師事

太尉朱寵學歐陽尚書初牟氏章句浮辭繁多有四十五

萬餘言奐減爲九萬言後辟大將軍梁冀府乃上書桓帝

奏其章句詔下東觀時牟卿受書於張堪爲博士故有牟氏章句以疾去官復

舉賢良對策第一擢拜議郎永壽元年遷安定屬國都尉

正身絜已威化大行遷使匈奴中郎將遷度遼將軍數載

間幽并清靜延嘉元年徵拜大司農秋復拜奐爲護匈奴

中郎將以九卿秩督幽并涼三州及度遼烏植二營建甯

元年拔旅而還又拜大司農轉太常司隸校尉王寓出於

宦官欲借寵公卿以求薦舉百僚畏憚莫不許諾唯免獨  
拒之寓怒遂陷以黨罪禁錮歸田里免閉門不出養徒千  
人著尙書記難三十餘萬言光和四年卒年七十八長子  
芝字伯英最知名

張芝

宗資

謝承書曰宗資字叔都南陽安衆人也少在京師學孟氏  
易歐陽尙書舉孝廉拜議郎補御史中丞汝南太守署范  
滂爲功曹委任政事推功於滂不伐其美任善之名聞於  
海內

廖扶

謁煥

後漢書方術傳廖扶字文起汝南平輿人也習韓詩歐陽  
尚書教授常數百人絕志世外專精經典尤明天文讖緯  
風角推步之術州郡公府辟召皆不應太守謁煥先為諸  
生從扶學後臨郡未到先遣更修門人之禮又欲擢扶子  
弟固不肯年八十終於家子孟舉偉舉並知名

廖孟舉

廖偉舉

孔昱

後漢書列傳孔昱字元世魯國魯人也七世祖霸成帝時  
歷九卿封褒成侯自霸至昱爵位相係其卿相牧守五十  
三人侯七人昱少習家學韋懷注云家學尚書大將軍梁冀辟不應  
太尉舉方正對策不合乃辭病去靈帝即位公車徵拜議  
郎補洛陽令以師喪棄官卒於家

案章懷注云案前書孔霸字次儒卽安國孫世習尚書  
宣帝時爲太中大夫授太子經遷詹事高密相元帝卽  
位霸以帝師賜爵關內侯號褒成君諡曰烈君今范書  
及謝承書皆云成帝又言封侯蓋誤也喬樅謂孔霸與  
周堪均師事大夏侯勝受尚書于光亦事本卿卿者周

堪弟子也事具見漢書儒林傳大夏侯尙書有孔許之  
學則孔氏世習家學皆爲大夏侯今文尙書可知矣又  
攷孔融傳云七世祖霸爲元帝師位至侍中則是傳言  
成帝時歷九卿封褒成侯成字自是傳寫之譌當據孔  
融傳訂正之

劉恭

後漢書劉益子傳益子兄恭少習尙書略通大義更始封  
爲式侯以明經數言事拜侍中

劉嘉

後漢書宗室列傳順陽懷侯嘉字季孫光武族兄也與伯



升俱學長安習尙書春秋建武三年拜爲千乘太守十三年封爲順陽侯

李生

賈復

後漢書列傳賈復字公文南陽冠軍人也少好學習尙書事舞陰李生李生奇之謂門人曰賈君之容貌志氣如此而勤於學將相之器也因鄧禹得召見光武署復破虜將軍遷都護將軍光武卽位拜爲執金吾封冠軍侯建武十三年定封膠東侯復知帝欲偃干戈修文德不欲功臣擁衆京師乃與高密侯鄧禹並剡甲兵敦儒學帝深然之曰

列侯就第加位特進與公卿參議國家大事恩過甚厚三十一年卒諡曰剛侯

馬續

後漢書馬嚴傳嚴七子唯續融最知名續字季則七歲能通論語十三明尚書十六治詩博覽羣籍善九章算術

魯丕

後漢書列傳魯丕字叔陵性深沉好學孳孳不倦遂杜絕交游不答候問之禮士友常以此短之而不欣然自得遂兼通五經以魯詩尚書教授爲當世名儒建初元年肅宗詔舉賢良方正大司農劉寬舉丕時對策者百餘人唯丕

在高第除爲議郎遷新野令視事期年州課第一擢拜青州刺史元和元年遷拜趙相門生就學者百餘人關東號之曰五經復興魯叔陵永元二年遷東郡太守十三年遷爲侍中再爲三老年七十五卒於官

桓譚

後漢書列傳桓譚字君山沛國相人博學多通徧習五經皆訓詁大義不爲章句世祖卽位徵待詔大司空宋宏薦譚拜議郎給事中因上疏陳時政所宜書奏不省出爲六安郡丞意忽忽不樂道病卒初譚著書言當世行事二十九篇號曰新論上書獻之世祖善焉元和中肅宗行東巡

狩至沛使使者祠譚冢鄉里以爲榮

馮允

後漢書馮緄傳曰緄字鴻卿巴郡宕渠人也弟允清白有  
孝行能理尙書善推步之術推步謂究日月五星之度昏且節氣之差拜降虜  
校尉終於家

周磐

後漢書列傳周磐字堅伯汝南安成人徵士變之宗也少  
游京師學古文尙書洪範五行左氏傳好學有行非典謨  
不言諸儒宗之

案洪範五行是今文尙書之學則磐於尙書兼通今文

可知也

寒朗

後漢書列傳寒朗字伯奇魯國薛人也好經學博通書傳以尙書教授舉孝廉永平中以謁者守侍御史建初中拜爲易長遷濟陽令永元中再遷清河太守永初三年卒

蔡邕

後漢書列傳蔡邕字伯喈陳留圉人也性篤孝少博學師事太傅胡廣好辭章數術天文妙操音律建甯二年召拜郎中校書東觀遷議郎邕以經籍去聖久遠文字多謬俗儒穿鑿疑誤後學熹平四年乃與五官中郎將堂谿典光

祿大夫楊賜諫議大夫馬日磾議郎張馴韓說太史令單  
颺等奏求正定六經文字靈帝許之邕乃自書冊於碑使  
工鐫刻立於太學門外洛陽記曰太學在洛陽城南開陽  
門外講堂長十丈廣一丈堂有石  
經四部木碑凡四十六枚西行尚書周易公羊傳十六碑  
存十二碑毀南行禮記十五碑悉崩壞東行論語三碑二  
碑毀禮記碑上有諫議大  
夫馬日磾議郎蔡邕名於是後儒晚學咸取正焉元和  
元年遂置鴻都學畫孔子及七十二弟子像

荀爽

後漢書列傳荀爽字慈明潁川潁陰人也幼而好學年十  
二能通春秋論語太尉杜喬見而稱之曰可爲人師爽遂  
耽思經書慶弔不行徵命不應延熹九年太常趙典舉爽

至孝拜郎中對策陳便宜奏聞卽弃官去以著述爲事遂稱爲碩儒獻帝卽位徵爲光祿勳視事三日進拜司空爽自被徵命及登台事九十五日因從遷都長安會病薨年六十三著禮易傳詩傳尙書正經春秋條例又集漢事成敗可爲鑒戒者謂之漢語又作公羊問及辯讖并它所論敘題爲新書凡百餘篇兄子悅或竝知名

荀悅

荀彧

索盧放

後漢書獨行傳索盧放字君陽東郡人也以尙書教授千

餘人建武六年徵爲洛陽令政有能各以病乞身徙諫議大夫數納忠言後以疾去卒於家

高獲

後漢書方術傳高獲字敬公汝南新息人也少遊學京師與光武有舊師事司徒歐陽歙光武引見之欲用爲吏獲辭去三公爭辟不應素善天文曉遁甲能役使鬼神太守鮑昱每行縣輒式其閭獲遂遠遁江南卒於石城

李頡

李邵

後漢書方術傳李邵字孟節漢中南鄭人也父頡以儒學



官至博士郤襲父業遊太學通五經善河洛風星外質樸  
人莫之識舉孝廉五遷尚書令又拜太常元初四年代袁  
敞爲司空數陳得失有忠臣節安帝崩北鄉侯立復爲司  
徒順帝封郤涉都侯辭讓不受年八十餘卒於家

樊英

後漢書方術傳樊英字季齊南陽魯陽人也少受業三輔  
習京氏易兼明五經又善風角星算河洛七緯推步災異  
隱於壺山之陽受業者四方而至州郡前後禮請不應公  
卿舉賢良方正有道皆不行安帝初徵爲博士順帝爲英  
設壇席賜凡杖待以師傅之禮延問得失拜五官中郎將

數月英稱疾篤詔以爲光祿大夫賜告歸年七十餘卒於家

韓說

後漢書方術傳韓說字叔儒會稽山陰人也博通五經尤善圖緯之學舉孝廉與議郎蔡邕友善數陳災眚遷侍中爲江夏太守年七十卒於家

井丹

後漢書逸民傳井丹字大春扶風郿人也少受業太學通五經善談論故京師爲之語曰五經紛紛論井大春性清高未嘗修刺候人隱閉不關人事以壽終

劉陶

後漢書列傳劉陶字子奇一名偉潁川定陰人游太學明  
尚書春秋爲之訓詁推三家尚書及古文是正文字三百  
餘事名曰中古文尚書拜侍御史靈帝宿聞其名數引納  
之詔陶次第春秋條例三遷尚書令以數切諫爲權臣所  
憚徙爲京兆尹稱疾不聽政徵拜諫議大夫上疏陳八事  
大較言天下大亂皆由宦官宦官事急共讒陶下黃門北  
寺獄遂閉氣而死天下莫不痛之

虞詡

後漢書列傳虞詡字升卿陳國武平人也年十二能通尚

書早孤孝養祖母縣舉順孫國相奇之欲以爲吏詔辭曰  
祖母九十非詔不養相乃止後祖母終服闋辟太尉李修  
府拜郎中爲朝歌長咸稱神明鄧太后以詔有將帥之畧  
遷武都太守永建元年代陳禪爲司隸校尉遷尙書僕射  
永和初遷尙書令以公事去官朝廷思其忠復徵之會卒

### 盧植

後漢書列傳盧植字子幹涿郡涿人也少與鄭元俱事馬  
融能通古今學好研精而不守章句建甯中徵爲博士熹  
平四年九江蠻反四府選植才兼文武拜九江太守以疾  
去官作尙書章句三禮解詁時始立大學石經以正文字

植上書願得將能書生二人共詣東觀專心研精合尙書章句考禮記得失庶裁定聖典刊正碑文徵拜議郎與諫議大夫馬日磾議郎蔡邕楊彪韓說等並在東觀校中書五經記傳補續漢記轉爲侍中遷尙書光和元年植上封事陳八事帝不省中平元年黃巾賊起四府舉植拜北中郎將持節將北軍五校士發天下諸郡兵征之連戰破賊帥張角斬獲萬餘人復爲尙書董卓議欲廢立植獨抗議不同卓怒免植官植以老病求歸初平三年卒百姓追思爲之立祠

王渙

後漢書列傳王渙字稚子廣漢鄆人也敦儒學習尚書讀律令畧舉大義州舉茂才除温令遷兗州刺史繩正部郡風威大行後坐考妖言不實論歲餘徵拜侍御史永元十五年從駕南巡還爲洛陽令以平正居身得寬猛之宜元興元年病卒

### 劉珍

後漢書文苑傳劉珍字秋孫一名寶南陽蔡陽人也少好學永初中爲謁者僕射太后詔使與校書劉騶駱馬融及五經博士校定東觀五經諸子傳記百家藝術整齊脫誤是正文字永甯元年遷侍中越騎校尉延光四年拜宗正

明年轉衛尉卒官撰釋名三十篇以辨萬物之稱號云  
案章懷注云諸本時有作秘孫者其人名珍與秘義相  
扶而作秋者多也喬樅謂今世所傳釋名題爲劉熙作  
而珍之釋名亡佚無傳案熙字成國北海人漢末公車  
徵士著有孟子注見隋志而釋名一書不著錄隋志惟  
韋昭所上辨釋名一卷有云伏見劉熙所作釋名信多  
佳者然物類衆多難得詳究故時有得失因作辨釋名  
一卷豈劉熙爲劉珍之譌歟存疑焉可也

徐防

後漢書列傳徐防字謁卿沛國鉅人也永元十四年拜司

空防以五經久遠聖意難明宜爲章句以悟後學上疏曰  
臣聞詩書禮樂定自孔子發明章句始於子夏其後分析  
各有異說漢承秦亂經典廢絕本文畧存或無章句收拾  
缺遺建立明經博徵儒術開置太學孔聖既遠微旨將絕  
故立博士十四家設甲乙之科以勸學者所以示人好  
惡改敝就善者也專精務本儒學所先博士及甲乙科宜  
從其家章句開五十難以試之解釋多者爲上第引文明  
者爲高說若不依先師義有相伐皆正以爲非五經各取  
上第六人論語不宜射策雖有所失或久差可矯革詔書  
下公卿皆從防言



韓宗

張紘

三國志吳張紘傳紘字子綱廣陵人少游學京師還本郡  
舉茂才辟公府皆不就避難江東孫策表爲正議校尉後  
權以紘爲長史年六十卒○注引吳書曰紘入太學事博  
士韓宗治京氏易歐陽尙書又於外黃從濮陽闔受韓詩  
及禮記左氏春秋

王朗

三國志列傳王朗字景興東海郡人也以通經拜郎中除  
菑邱長師太尉楊賜賜薨弃官行服除孝廉辟公府不應

徐州刺史陶謙舉朗茂才爲治中孫策渡江畧地朗浮海  
至東治魏太祖表徵之拜諫議大夫參司空軍事遷少府  
奉常大理文帝卽位遷御史大夫封安陵亭侯改司空明  
帝卽位進封蘭陵侯

景君

洪适隸釋刻令景君闕銘君治歐陽尙書傳祖父河南尹  
父步兵校尉業門徒上錄三千餘人

案景君三世傳歐陽尙書之學高弟編牒三千餘人公  
卿皆以爲明經舉首亦顯門之耆儒也碑旣不載其名  
惜哉

鄭固

隸釋郎中鄭固碑固字伯堅著君元子也初受業於歐陽遂窮究於典籍

楊君

隸釋繁陽令楊君碑君少傳祖業兼苞載籍靡不周覽

案碑逸其名楊君者太尉震之孫富波相牧之子太尉秉之猶子沛相統之親昆弟高陽令著之從昆弟也

熊範

隸釋綏民校尉熊君碑高祖父籌缺祖父曼曾祖父範治

歐陽尚書六日七分祖父師缺君缺裔字漢舉

案喬上缺一字必父也高曾之間又有祖父是其上闕  
文蓋伯叔祖惜熊君各字皆殘闕歐陽永叔以喬爲卽  
綏民非也

董扶

陳壽益部耆舊傳董扶字茂安少從師學兼通數經善歐  
陽尙書又事聘士楊厚究極圖讖遂至京師遊覽太學還  
家講授子弟自遠方而來前後宰府十辟公車三徵再舉  
賢良方正博士有道皆不就大將軍何進表薦於是靈帝  
徵扶卽拜侍中在朝稱爲儒宗甚爲器重求爲蜀郡屬國  
都尉後去官年八十一卒於家